

# مجموعه ابو الضرب

ماسوا شایسته شدن دل تطهیر چالش

بر تو حکمت و عرفان ایله تنویر آتش

هر ماه عربی ابتدا سیله اون بشنده نشر اولنور قنون مجموعه سیدر

جزو ۴۸ [ ۱۵ جمادی الآخر سنه ۱۳۰۲ ] نفیسی ۳ فروش

و ترتیب ایدلمشدر. ازمنه قديمه ده قایشلر ایله بربرینه ربط ایدلمش (بامپوس) تخطه پارچه لری اوزرینه یازیله رق اشکالک اوزری دخی برفورچه ایله بویانی ایدی. مؤخرأ اییکن معمول برنوع قاش و فقر طاقی ایچون دخی دیگر برنوع قاش استعمال اولغنه باشلامش و میلاددن ۱۰۵ سنه اول آغاج قابوغی، پاچاوورا، اسکی آغلر، و سائردهن کاغد اعمالی اختراع اولغش و کاغدلر بعدالاعمال طومار شکنده استعماله باشلانمشدر.

محکوک ویا دها طوغرسی منخوت آغاج پارچه لریله کاغد اوزرینه کتاب طبعی اونجی عصردن اول چینده موجود اولدینسه دائر هیچ بر دلیل ابراز اولنه ماز.

طاش لوحه لری اوزرینه یعنی لیطوغراف ایله طبع ایتک اصولی ایسه پک یقینه اتخاذا اولغمشدر.

یشمش طوبراقدن معمول متحرک حروف ایله کتاب باصحق اصولی ۱۰۴۵ ویا ۱۰۴۹ سنه میلادیه سنده احداث اولغمشدر.

چینیلرک (سونغشو) تعبیر ایتدکاری یازی عموم طرفندن و (کاشو) نامی ویردکاری خط دخی مأمورین و ارباب علم طرفندن و (چان چی) دیدکاری خط ایسه مزینات صره سنده استعمال ایدلمکده در.

### معادن کومورینک اخراجات و صرفیاتی

چکنلرده نشر اولتان رسمی راپورطلره نظراً بیوک بره تانیساده معادن کوموری محصولات ۲۵ سنه دن بری گتدکجه تراید ایشلشدر.

۱۸۵۵ سنه سنده مملکت مذکورده تمام ۶۵ میلیون طونیلاته کومور چیقارلمش اولدینی حالده ۱۸۶۰ ده کومور معدنلرندن ۸۰ میلیون طونیلاته کومور اخراج اولغمشدر.

بوتاریخندن ۱۰ سنه صگره یعنی ۱۸۷۰ ده بومقدار ۱۱۰ میلیون طونیلاته و ۱۸۸۰ سنه سنده ایسه ۱۴۷ میلیون طونیلاته یه بالغ اولمشدر.

۱۸۸۰ سنه سنده فرانسه معدنلارندن چیقاریلان کومورنک مقداری  
۱۰ یخوق میلیون طونیلاته در . بلجیقاده دخی ۱۷ میلیون طونیلاته  
حاصلات اولمشد .

صنایع و تجارتک توسع و ترقیسیله معدن کوموری صرفیاتی گتدکجه تزايد  
ایتمکده و صرفیاتجه کوریلان ازدیاد ایسه جوهر مذکورک آن بآن تناقصنی  
انتاج ایتمکده در .

مثلا فرانسه بحریه نظارتی سنوی ۲۵۰,۰۰۰ طونیلاته کوموره محتاج  
اولدینی گبی فرانسه نك تجارت واپورلری دخی سنوی ۱,۵۰۰,۰۰۰ طونیلاته  
احراق ایتمکده درلر .

انگلتره نك ۱۹ واپور قومپانیاسی سنوی تقریباً ایکی یخوق میلیون  
طونیلاته کومور استهلاک ایتمکده در .

انگلتره نك یالکز تیمور اعمالاته مخصوص اولان فابریقهلری سنوی  
۳۰ میلیون طونیلاته کومور صرفه محتاجدر .

مدققین علمدان موسیو ژوونسک بیانه نظرآ انگلتره ده معدن کومور یله  
حصوله کتیریلان حرارتی اوطون ایله حاصل ایتمک لازم کلسه انگلتره  
اراضیسنک دوت مثلی قدر جسم بر اورمانی برسنه ظرفده کوکندن کسک  
اقتضا ایدیور .

موسیو آمده بورات استنده دیگر برمدقق افاده سنه گوره ۱۰۰۰  
بارگیر قوتنده و ۱۴ سانتیمتره زرهی و ۴۰ جسم طوبی و ۲۰ طونیلاته لق  
بر ( ایه رونی Eperon ) یعنی مهمیزی بولنان برحرب سفینه سنک انشاسی  
ایچون ۳۰,۰۰۰ طونیلاته کومور صرف اولندیفی گبی بویله بر سفینه  
حرکتده ایکن بومی ۷۰ طونیلاته کومور استهلاک ایتمکده در .

صنایع جدیدده معدن کومورینک اهمیتی فوق العاده اولدینی جهتله  
بالجیقایلر بونی [ قره الماس ] انگلیزلر [ قرال کومور ] فرانسزلر دخی [ صنایع  
اتمگی ] نامیله یاد ایدرلر .

حاصلی آمریقادن استانبوله و سیر یادن لزبونه قدر اعمالات جدیدیه  
ایله مشغول ممالکده و تیمور بوللرنده یومی صرف اولنان معدن کومورینک  
یرینه قائم اولق ایچون روسیه ممالک وسیعہ سی قدر براورمانک هر سنه  
کسیلوب ینه یرینه کلمسی لازم گیر .

### ملاحظات حکیمه

هر کس کندیسنک رأی العین مشاهده ایلدیگی حالاتی بلا نقصان  
و علاوه نقل و حکایه ایده جک اولسه اوزمان خلق عالم هر شیئک حقیقته  
واقف اولوردی .

انسان اون فکریگی دشمنی، اسکی بردشمنی برطرف ایتمکدن ده  
قولای قزانیر .

حقیقت کندیسندن بشقه برحامی به محتاج دگلدر . ذاتاً کندیسندن  
بشقه حامی سیده یوقدر .

آرزو ایتدیگندن دها دون شیئه مالک اولان بر آدم کندی دگردن  
زیاده به مالک اولدیغنی بیلی در .

اکثر احوالده انسان بارگیرنی تودیع ایتدیگی فایطونجینک اخلاق  
واحوالی، قیرینی و یردیگی آدمک اخلاق و احوالندن دها ائی بیلیر .  
هر نه وقت داماد انتخابی ساییس انتخابی قدر نظر اهمیته آلیرسه اووقت  
بوگونکی گونده حکمفرما اولان عائله فلا کتلی ختامه ایرر .